

Ovatioun fir déi nei, déi bleiwend an d'austriedend Gemengepolitiker um Camping Krounebierg

Et ass eng Traditioun, den neie Gemengerot am Kader vun enger Feier z'éieren, an d'Organisatioun vun dem Fest ass zanter Joerzénge an der Hand vum Mierscher Syndicat. Esou war dann och de Sonndeg, 15. Abrëll um Camping Krounebierg eng flott Feier, wou de Syndicat nei Weeër gaangen ass, an all Conseiller eng Lann gesat krut.



No der musikalescher Ouverture duerch d'Mierscher Musek huet den neie President vum Syndicat, Abby Toussaint, en interessante Vergleich vum Wuessen, Wierken, vun den Aufgaben a vum Notze vu Beem mat Lokalpolitiker gemaach an den 52 Kandidaten merci fir hiert Engagement bei de Wale vum 8. Oktober 2017 gesot. All Gewielte krut als Undenken e „gëllenen“ Spuet iwwerreecht, fir dem Mulch bei sengem schonns geplanzte Bam dee leschte Schléff ze ginn. Och gouf eng Gedenktafel zu dëser Zeremonie opgehaangen. No der Usprooch vum Buergermeeschter Michel Malherbe ass de Mëtten fir all präsent Leit mat engem gudden Buffet a passende Grilladen op en Enn gaangen.



Gemengerot 2017-2023

- Malherbe Michel, Buergermeeschter
- Reiland Michel, Schäffen
- Toussaint Abby, Schäffen (2017-Enn 2019)
- Krier Henri (Enn 2019-2023)

- Adam Claude
- Brosius Carine
- Feller-Wilmes Joëlle
- Haubrich-Schandeler Christiane
- Kremer Alex
- Miny Romain
- Reckinger Jhemp
- Vullers Willy
- Weiler Mariette

